

Hmar Christian Fellowship, Delhi

Thupui: *Khawvel po poah fe unla thil siemhai po po kuomah ChanchinTha hi hril ro.* Marka 16:15

Executive Committee

Chairman Upa Dr Lalsiemlien Pulamte
Vice Chairman Pu L B Tuolte
Secretary Pu Herbert Lalsanglur
Asstt. Secretary Pu Lalchungsiem Thlawngate
Secy Fin (M) Pu Timothy Shakum
Secy Fin (G) Pu Darsuothang
Secy Evan. Pastor Lalditsak Inbuon
Membarhai: Pu Benjamin Khawbung
Pu H K Kawllienthang
Pu Hrangkaplien

Ex-off Members: Deptt Head-hai po
Pastor Laldisak Inbuon

Nuhmei Pawl Committee

Chairperson Pi Haulientling
Vice Chair. Pi Rohlun Hrangchal
Secretary Pi Chonghoi Inbuon
Asst. Secretary Dr Donny Tuolte
Fin. Secy (Gen) Pi Sari Ralsun
Fin. Secy (Msn) Pi Grace Khobung

Membarhai:

Pi Rengi Ruolngul Pi Darlienzo
Pi Hoilam Pi Lalrotluong
Pi Lalhuolhim

Thalai Pawl Committee

Chairman Tv Jessai Shakum
Vice Chairman Tv Johnson Hmar
Secretary Tv Zarzollen Infimate
Asst. Secretary Tv William Darngawn
Fin. Secy (Gen) Nk Esther Lalramhuol
Fin. Secy (Msn) Nk Dorothy Lalneizo
Music Secretary Tv Lalneilien Inbuon

Membarhai:

Nk Thlirnawnmawi Nk Kimi Pulamte
Tv Ramngailien Pu Vanlalmuon Joute
Tv Joseph Pakhuongte Tv Stephen L Ruolngul
Tv Jared Vardinthar Varte

Mission Field Thawktuhai

Pastor Lalsiesang Evan Raman Lal
Evan Jostna Lal Evan Rehana
Evan Vanlaltian Amos Tv Joshua Sungte
Tv Sunil Rawat Nk Deepika
Nk Arpita Barua Nk Neha Lal
Evan Phirlienmawi Evan Pramod Kumar

Naupang Sande Sikul

Pu Lalitana Chhangte Superintendent
Pu Timothy Shakum Asstt. Supdt
Zirtirtuhai:
Pu Lalhmingtha, Pi Dr Lalsanghnem
Pi Zolienmawi, Pi Judith Sanate
Pi Lalnunmawi, Pi Vida Lalzarzo
Nk Sari Buongpui, Nk Nienghoikim
Nk Betsy Ramtuokkim Hmar

Vengbuk Inkhawm Thuoituhai

Vikaspuri

Immanuel Khobung, Grace Keivom, Lalhmingmawi

RK Puram

Suothang, LK Thagen, Haulientling

Safdarjung Enclave

Hrangkaplien, Edward Sungte, Lalhrietpui

Vasant Vihar

Darsuothang, Lalchungnhung, LH Hrangchal

Mahipalpur

Joseph Lalremlien, Robert Khobung, Margareth

Mehrauli

Robert Penatu, Jared V Varte, Kim Thlawngate

South Extension

Lalmuonthang, Joseph Darngawn,
Chawnglienmawi

Munirka

C.Muan Buhril Lalthuoisuok Pudaite Michael Joute

North Delhi

Dr. Robert Varte, Gordon Amo, Roselyn Buhril

Gurgaon

Alan Sinate, Vanlalthuthlung, Dardingpui

*Khawvel popo a fe unla, thilsiem
popo kuoma Chanchin Tha hril ro.*

(Mark 16:15)

Hrepuitu : August 2010

Vol-5. No.8

August 2010



Hrepuitu

HMAR CHRISTIAN FELLOWSHIP DELHI CHANCHINBU

Nova'n khawvel thiemnaw a'n changtir

Chuong thil po po chu a hrepuitu in nih. (Luka 24:48)

Hrepuitu : August 2010

Hrepuitu

Hmar Christian Fellowship Delhi
Chanchinbu Thlakip Suok
Vol. 5 No. 8 (August, 2010)

Editor:

Upa Lalsiemlien Pulamte

Jt. Editor:

Pastor Lalditsak Inbuon

Editorial Members:

Lalchungsiem Thlawngate
Timothy Shakum

Address:

Editor, **Hrepuitu**,
14/16, MS Building,
NPL Colony,
New Rajinder Nagar,
New Delhi - 110060

Tel: 09868183268

Email: hrepuitu@yahoo.com

Lakman:

Copy khat Rs 10.00

Kum khat Rs 100.00

Suttu:

Upa Lalsiemlien Pulamte
(Hmar Christian Fellowship
Delhi aiin)

Hi chanchinbu-a hin Hmar Christian Fellowship Delhi le a rongbawlna chanchin a chuong a. A sunga thuhai hi Pathien rongbawlna hmangruoa hmang nuom ta dingin hmangawng le lâksawng thei a nih a. Thawsuol le sukdiknaw pal thua ruok chu ahmangtu'n maw phur a tih. Ngaidân suklanga um(hai) hi HCF Delhi ngaidan a(n) ni chuong kher nawh.

- Editor

Editorial

Sandamna longah ei lut tawl ta'm leh?

Hnuoia umhai po po chung a tuilet hmanga Pathien rorelna rapthlak tak a tlung ding thu le inzomin Nova chu long siem dinga inhrietir a nih a. Chu ding chun Nova chun hma a lâk a. Chu longa chun ama le a sung hai khom sandam an nih. Nu-le-pa hai khom hin ei nauhai hi sandamna long, Isu Krista kuomah ei thuoilut tawl ta di'm aw ti zawna ei indon nuom a nih. Abikin, tulai hun nuhnung, Pathien rorelna hung tlung meka hin hi zawna hi a poimaw zuolin a'n lang.

Nu-le-pa ringna chu nau haiin an intawmpui thei nawh. Amiruokchu nu-le-pa hai misawnari mawphurna hmasa tak chu Krista kuoma nauhai thuoilut hi a nih. Hi chanvo, insung khura phursuok el thei hi ei lo ngaituo hlak dim.

Tui a let nasa po leh long a vawr sang angin Krista sandamna longa chuongtah hai chu ieng anga suol tuipui hung lienin hung infawn sienkhom an him hlak. In le lo hai, tangka sum le sin tha hai hi hnuoia ding chun himna (security) tling mei an tih. Sienkhom chatuona dai ding security chu Krista bawl sandamna longa chuong a nih. Hun tawite chauh dai ding khawvel khawsak ngaituona hin chatuon dai ding security ei chang ding mi dâlpék hlau rawi a tih ti inlau a um. Pathien rorelna hung tlung ding hi Nova anga ringnaa hmua lo inpuocha seng bok dingin ei inditsak bèk bèk a nih.

Upa Lalsiemlien Pulamte

Hrepuitu : August 2010

MIHRÂNG PASALIHAHAI

Pastor V.T.Kaplienthang (1890- 1982)

Sawia le Thanglienkhaw hai naupa Pastor V.T.Kaplienthang hi kum 1890-in Senvon (Lungdawsang) khuoah (source: *Hmar Mihrang Thenkhat hai Chanchin by K.Lalkhawthang Infimate*) a pieng a. A naupang laia an koduotna 'Kappu' ti hi a hming tak neka mihai ko le hriet tlanglawn dan a nih.

Kum 1910 a Saptlangval (Watkin R.Roberts) hmanga Senvon khuoa Kristien sakhua a hung lut khan, hun iemani chen chu Kristiena inpe ve loin ringtharhai soisela deusawtu tak a ni hlak. Tirko Paula ang deuin ringtharhai lo nghaisa hlak sienkhom, Kristien a hun ni hnunga ruok chu rongbawltu poimaw, hratkhawkheng le tangkai, ringnaa a ngir nghet tlat leia a taksa a tuorna panser put hieltu a nih. Kristien a hung nia inthok chawlkhar khat sung zet chu zawlro hrii inlau leiin tong thak loin a um a, chuong lai chun a ruol hlui haiin 'Pathien thu awipa' tiin a fena takhotah an eu dur dur hlak.

Kristien sakhua a zui hi a pa hin a ditpui naw el bakah, iengmaloah a ngai a. Voikhat chu Pathienni tuk hin bahra cho dingin a tir a, sienkhom Pathienni bawsiet a nuom naw leiin bu khom fa loin Pastor Taisena inah a va leng ta daih a. Zantieng chun, Pastor Taisen leh Pathien thu hriin khawlai an fang a, Kappu chu Isu lim an chawitir a, Kappu hai ina kher chun an zu lut a. A pa lungsen tuor naw chun thingherin a luah a lo vuok thluk top a. Thisen a suokrawn em leiin, mihai chun, "Kappu a thi ta ie" an ti hiel a, a luru a koi a, a hamda a tlang em naw leiin a dam khawsuok chauh a nih.

Kappu hi pa khawsawt thei le lung inno, lungriem thlak zawnga thil ngaituo le thluk mi, Bethlehem le Kalvari zuna kurinkuk mi a nih. A hla hai hi nu hmangaina le lungsietna nau chung a fuk angin, hmangaina mittui an pairawn a; thu hlimum taka inlang khom a sungmila rimsikna le tuorna rapthlak tak inphum

Hrepuitu : August 2010

chun a ngaituona le lungril an run lem rop hlak leiin chuong ang tieng pang chun a thlek deu vong niin an lang. Kum 1923-a Zamsawibawka an um lai, a ngaituona mitthla in Pathien nau meu eini hai ta dinga hnuoia a hung tum el hi mak a ti tawp thei nawh a. Van mipui haiin khawsawt taka thena'n zai an rem chu, eini hnuoi mihai ta dinga hamthatna intluntu, Bethlehem tlang chung a lawmna ri hung inzam vel chu, lawm naw thei a ni naw zie a hrietin "Ei ta di'n lawm a um, Sandamtu hung pieng chu " ti hla hi a hung phuok tah a nih.

Kum 1925 Kawnzar (Senvon) a an um hnungin naupa pahni a nei a, sienkhom sawtnawte hnungah a naupa hai chun an boralsan a. Kawnzara an um hma, Pherzawla an um lai a naupa Lalthanmawiin a lo boralsan ta bok leh, tuor thiem harsa a tiin a beidong hle a. A beidongna le mitthi ngaina chu zuolin, chu chu suolin remchangah a hung hmang a, um ngaina hre loin khawhnawmah an vak hmang hlak a, zana dam a hung inlawi chau hlak a nih. Chuonga mithi purdoa inrieng taka a umlai chun Pathien Thlarau Thienghlim pawlna chu a thar taka changin "Pielral ka ngai ka lal lengna, Lungngai umnawna ram mawi chu" ti hla hi a hung inrum suokpui tah anih.

Hla 30 chuong lai a phuok nia hriet a nih. Hi khawvela a ngai ngawi ngawi, muol lo liem tah hai, a sunghai le ringnaa a rongbawlpui hai fena ram, Pielral chu phûr le nuom thu ela pan thei a ni naw chu ni ngei a tih, kum 107 lai a dam. A damsung hin pielral, ram tha nawk zuol, Lalpa lengna ram a ngaina hi iengtik lai khomin a re naw ni takin an lang.

LAINATU UNAU

- Evan. Vanlalitlan Amos

Mi lainatu unau chu tu am a na? Mihriem ngaituona le suongtuona chun harsatna, beidongna le mangangna ei tuok laia mi somdawltu le mi thlamuongtu hai hi mi lainatu unau ei ti hlak a.

Hi taka ei hril nuom tak chu chatuona mi lainatu unau ringum tu am a na ti hi a nih. Pathien thu chun mi tam tak ringumin an insâl hlak a, mi ring tlâk tak tak chu tuin am hmu zo a ta? Chu khêla chun ruoltha dai sawt lo um hai sien khom, unau nêka inhnaipui lem ruol an um hlak (Thubar 20:6; 18:24). Anleh unau nêka inhnaipui lem ruol an um si chun, chu chu tu am ni tâng a ta? An naw le mi lainatu unau chu tu'm ni tang a ta? Baibul chun a mi hril a; mi pakhat mi lainatu a um a, ama chun ei hratnaw lai khoma a mi thangpui nuom zing hlak a, ei tlinnawna le ei felnawna hai a mi thlop nuom a, mi hmangaitu Pathien hmaa ei suolhai thupha mi chwipektu a um a nih. Ama chun ei natna mi tuor pekin ei lungngaina hai a mi phur pêk a (Isai 53:4). Ama hi a nih mi lainatu indiktak Isu Krista chuh. Kei chun hi khawvel a hin ama naw hi mi hmangai a, ei khawhlona hai mi ngaidam a, khawvel suola inthoka mi sansuoktu ka hmu nawh. Isu, ei laibung bulpui le mi lainatu indik tak chu a nih. A hmangaina insangzie tuin am a hriet phâk a? A dawtheina inthûkzie tu in am hre phâk a ta? Ama hin a mi thangpui nuom zing a, ei natna a mi tuom dam pêk nuom zing a nih. Isu Krista chun “Nangni rimtong le rikphur po po hai, ka kuomah hung unla, keiin sawldamna pêng

ka ti cheu. Ka ringkol bât unla, ka kuomah inchûk ro; mi zaidam le lungmila inngaitlawm tak ka ni si a, chuongchun in thlarau ta dingin sawldamna hmung in tih. Ka ringkol a hâdam a, ka phur khom a zâng a nih” a tih (Mat. 11:28-30).

“Eini, ringtuhai hi ei vangnei de aw!” ka ti hlak a. Khawvela ei châm sung hin ei sinthawna hai dâm, ei dawr kaina hai dâm, mani insung khura hai khom harsatna tam tak hril sênglo ei tuok khom ka ring. Hieng hai lei hin chauin ei ngui tlok tlok chang khom um a tih. Hieng huna hai hin mi lainatu ding le ruoltha ei mamaw hlak a, ei lungril nuom dan angin mi lainatu le ruoltha ei hmu da'l thei. Ana chu mi lainatu le mi hmangaitu unau ditum tak Isu ei nei. Hi khawvel hi ei chamsongna ding a ni naw a, eini ringtu hai um songna ding khom a ni bok nawh. Iengtik hun amani chu hi hnuoi rinum hi ei la suksan hun a um ding a na, chu pha chun ei tlantu Isu Krista leh inhmuin vân khawpuiah ei la lêng ding a nih. Chu taka chun hi hnuoi rinumna hi theinghil tâng ei ta, ei hnuoi mitthli hi a la hul ding a nih. Hi lei tak hin ringtuhai ei vangnei ka ti a nih. Mi lainatu le mi hmangaitu Isu ei nei leiin ama chu suol thisana felna tienga ei hring theina dingin ama taksa ngeiin thinga khan ei suolhai a phur a, a hliemna bêhai chun sukdam ei ni tah (I Pet 2:24). Hi lei hin hi khawvela hin harsatna ei tuok khomin tuor hram hram ei tiu. Iengtik hun amani chu ei lungngaina mitthli hi mi lainatu Lal Isu'n a la hrûkfai ding a ni si a.

SERMON

Nova'n khawvêl thiemnaw a'n changtir

- Pastor Lalditsak Inbuon

“Ringnain Nova chun thil hung tlung ding chungchang hrillawkna a dong chu Pathien tina thienghlim tak neiin a sungkuo himna dingin long a tuk a. A ringna chun khawvel thiem naw a'n changtir a, ringna leia thiem inchangtirna rochungtu a lo ni tah” (Hebrai 11:7).

Genesis bung 6-7 hai le Hebrai 11:17 bèsanin Nova'n ringna leiin khawvel thiem naw a'n changtir thu hung tarlang ei nuom chu a nih. Genesis bung 4-11 sung hin mihriem suolna a pung pei thu le Pathienin a hrem thu a mi hril a. Hi taka inthok hin suol hi a damdawi (solution) a um tak tak nawzie chieng deua hmuthei a nih. Genesis 6 & 7 hin Pathienin hnuoi pumpuia mihriem le ramsa tinreng, Nova sungkuo le long sunga ramsa a chi dinga Nova'n a laklut hai ti lo chu tui lêtin a hrem a, a that fai vong thu a hril a. Ei hang tiem thla por por el a chuh hieng ang lawm lawma thil raphlâk hi khawvelah a la um ngai naw a, um khom um ta bok lo ding a nih. Suol a pungpei thu le a damdawi a um nawzie hi lai thua inthok hin inchûk ding a um a. Pathienin sandamna lampui an duong suok dân hang hmu thei a ni bok a. Ringna chauh naw chu damna a um thei nawzie chieng taka hang hmu thei a ni a, chun Pathienin rorêlna nuhnung tak a rêl pha khom a thangsang ding chu ringna a ni dingzie hang hriet chieng thei a ni bok a nih.

Nova hun lai (Gen 6:1-7)

Genesis 6:1-2 chun, “Hnuoiah mihriem an hung pung pei a, nau nuhmeihai an hung nei chun, Pathien naupahai chun mihriem naunuhai chu hmeltha an ti a, an dit dit nuhmeiin an

nei a” tiin a ziek a. Nova hun laia mihriem khawsak dân – an fâk zong dân, khawtlâng inthuoi dân, ser le sâng an hmang dân hai le kha hun laia mihriem nunphung hi taka hin a ziek vong naw a. Nuhmei pasal an innei dân tawite'n a hril a. Sienkhom hi taka inthok hin mihriem nunphung ding awm chu a reengin hang hre thei naw inla khom ngaidan nei thei a nih. Hi taka 'Pathien naupahai' a ti hi tuhai am an na? Hi zawna donna hi ngaidân iemani zât a um a. Thenkhatin vântirkohai a hrilna a nih an ti a. Sienkhom Mathai 22:30 chun hieng hin a ziek a, “Thonawknaa chun nuhmei pasal innei ta naw ni hai a, vâna vântirkohai ang an ni ta lem ding a nih”. Vântirkohai chu an innei ngai naw a, nau khom an nei ngai naw bok a nih. Chuleiin hi ngaidan hi mi tam takin nei hai sienkhom a ni thei ring a um nawh. Chu nêkin, Seth a thlahai ni ngei dingin ring a um. Pathien naupahai ti hi Pathien ringtuhai tia hmangna Baibul hmun tam takah a um. Chun 'mihriem naunuhai' a ti hin, Kaina thlaa inthoka nuhmei hung pieng hai a hrilna ni takin a'n lang.

A ieng ieng khom nisien a poimaw tak chu Pathien naupahaiin an dit thlangna ringotin mihriem naunuhai an nei zut zut el kha a hang hril nuom tak chu a nih. 'An dit dit nuhmeiin an nei a' a ti ang a nih. Hmeltha an ti ti, a pieng tha tha an nei el niin an lang. Sarah Barry

chun “The marriage standard was based on physical attraction” tiin a ziek. Pathien nauhai nisiin Pathien rawn chuong loa nuhmei ringnawtu an nei pei el chu a’n fûk naw khop el. Naupasal ieng anga fel khom lo nisien a pa rawn dêr loa nuhmei nei el hai chu lampui inhmang an ni hrim hrim a nih.

Baibulin ringnawtu le ringkol bât hmun khat lo ding a mi ti a na. Voisun chen khom hin ringnawtuhai nuhmei or pasala nei hrim hrim hai hi Pathien thlarau hril leia innei nekin tisa nuom zawng lei dam, indit lei dam annawleh khawsak inhoi thei deuna ding ngaituona lei a ni deu vong. Pathien nauhai nisia Pathien rawn set set loa an ni dit dit nuhmeia an hang nei el kha Pathien ngaidan a ni naw hle ti chu a’n lang a nih. Mani tisa châkna sukpuittingna ding dama nuhmei pasal innei an niin a’n lang a. Chun, không mihriem nau nuhmeihai kha milien chi, Nefelim ei ti hai dân an na. An hang innei a, nau an hung nei khan an nauhai chu hmel tha tak tak le mi hrat khawkhêng, mi hmingthang an hung ni pei thu ei hmu a. Mihriem ngaia chu thil tha tak le thaw awm tak niin a’n lang. Sienkhom, Pathien mit hmuah tirdakum le porche a ni tlat a nih. Pathien Thlarau chu thienghlimnaa sip a ni tlat leiin nun porche taka umhai leh cheng kop zing chu a thei naw ding hrim a nih. Chuleiin, Pathienin Nova kuomah, “Ka Thlarau chu thithe taksa put mihriem leh cheng kumkhuo zing thei naw nih; tuta inthok chu kum za le sawmhni bâk dam ta naw ni hai” a ti hiel a nih. Thithe taksa chauh ngaituona nun khalhai kuomah a um zing thei naw ding thu a hang hrilna a nih. Pathien hi iengkim chungathuneitu le roreltu a ni zie hi hmu thei a ni bok. Nuhmei an dit dit an nei a, an fâkin an

dawn a, iengkhom buoina hran an nei khomin an inhriet chuong naw a. Sienkhom iengkim siemtu le iengkim chungathuneitu le roreltu Pathien a buoi tah tlat a nih. Mita hmu thei lo khawvela inthokin khawvel hi enkai le hêm zing a ni hi hriet chi a va ni de aw! Pathienin mihriem dam sung ding chu kum 120 chau ni ta dingin a puong thuoi el a nih. Chun hi taka Pathienin a hril mihriem dam kum ding hi tuilet hma kum 120 kha a hrilna ni dinga ring khom an um bok. A sermon zonga hril chun a ni ve ve theina a um.

Mihriem hi mani lampui seng hrawin ei nuom dân dânin ei fe hlak a. Sienkhom vana inthokin Pathienin ei khawsak dân hi ankhât tawkin a hung puong hlak a. Genesis 6:5-7 a khom a hung hril zom a, “LALPA chun hnuaia mihriem suol nasat takzie le an ngaituona chun ieng lai khomin suol tieng a awnzie chu a hmu a. Hnuaia mihriem a lo siem lei chun LALPA chu a’n sîr a, a lungril a na hle a. Chuongchun LALPA chun, “Ka mihriem siem hi hnuaia chungathuneitu le roreltu bo el ka tih, mi po po le sa hai, hnuaia invak thilhring hai le chunglêng vatehai chenin; ka lo siem tawl leiin ka’n sîr a nih” a ta”. Hi laia mihriem hringnun a hril hi a tawi zawnga hril chun Pathien uksak ta loa, khawvel thil le mani nuom zawng le mani inhoiti zawng ngot ngaituona khawsa tina a nih. Pathienin mihriem a siem khan ama angpui ngeia a siem a na, ama le inpawl zing dinga a siem an ni a. A hmangai ngawi ngawi le a ngai ngawi ngawi, a enchimlohai an ni a. Sienkhom ama uksak dêr ta loa nun an khal el ta kha Pathien lung a na ém êm chu a nih. Ama suklawmtu tak dinghai kha a lung suknatu tak an hung ni ta leiin Pathienin mihriem a siem kha an sîr ta hle a nih. Hi hi hmangaina leia hung suok chu a nih.

Mission Field Ripawt

Delhi-a ei ramthim rongbawlina chu Shiv Vihar Centre inngat nisienkhom hmun hrang hrang hieng Mundka, Mubarakpur, Kotla, Kakrola, Dhulcharas le Janak Puri District Centre-a hai khom Chanchin Tha va hril hlak a nih. Hi hmunhai hi 2-20 km chen chena hla dam an nih. Mi thar tlawmtein tuhin Isu an Lal le Sandamtu dinga pomin kohran an hung zom a, chun midang ringtua inpe nuom beisei thei ding an um bok. Shiv Vihar hmun taka hin inkhawmna chi hrang hrang – Nuhmei inkhawm Thawlenni zanah, Thalai inkhawm Thawlenni le Inrinni zanah, Bible Study Zirtawpni zanah, Zan khawvar tongtai Zirtawp zan hninaah le Pathienni inkhawm nei hlak a nih. July thla sung khan Bible tract 10, New Testament 5 le Holy Bible 1 sem suok a ni a, a dongtuhaia malsawmna an dong ngei ei beisei. Tuhin Shiv Vihar Kohranin Nepal misawnari pakhat an lo chawm zing tah. Chu khelah tulai Sitapur (UP) le Gaya (Bihar) haia inthok Chanchin Tha hril dingin kona ei dong a, Lalpa’n rongbawlina kot a mi hong lien pek pei ni dingin ei ngai a, lawm a um.

Mainpuri mission field tienga ei rongbawlina khom Lalpa’n a mi thuoi pei. Hi lai hmun an hmang ding second hand Motor bike khom ei lo inchawk tah. Mainpuria inthoka 10-50 km-a hla khuo hieng Ambalpur, Shingpur, Chhibramau, Nglâ Mugariya le Rajalpur-a hai khom Chanchin Tha va hril a nih. Chun, Sikohabad le a sevela hai khom rongbawlina nei a nih. Mainpuria naupanghai Spoken English tuition siempek an nih a, chutaka an nu-le-pa hai kuomah Chanchin Tha intlun tum a nih. Tuhin chutaka mi nupa tuok pakhatin Baibul an tiem tan a, milim biek khom an ban tah thu dong a nih. Pathienni zat Sunday School nei a nih a, chutaka chun subject neiin naupang sawm khat vel Pathien thu inchuktir an nih. Puitling khomin an hung zom tan pei tah. Pathienni zantieng zatin tongtai inkhawm ringtu in hrang hrangah nei a nih a, mi 10-15 vel fe khawm hlak a nih.

CHANCHINLAWRKHAWM

Department of Music and Youth Affairs (Thalai Pawl) chun 24 September 2010 khin Apostles’ Methodist Church, RK Puram, Sector 4-ah Thalai Conference a voi thumna nei an rot a, chutaka chun inruolsiekna chi dang dang, hieng thupawlpu, hlapawlpu, quartet, skit le solo um a tih. Chun, zân prokram khom um a ta, fellowship danghai khom fiel ning an tih.

Naupang Department chun 8 August 2010 khan Sande Sikul Kum Chenve Ekzamna an lo nei a, naupang tam taw tak hai an ekzam ti thu hriet a nih.

Inhriettirna le ngenna

Mi tuel khom sermon, Pathien thu tieng artikul, testimony le thuthar/hlathar donghaiin hi Chanchinbua insuo ding in hung pêkthei zing. Chun, hi Chanchinbua ei kohran chanchin le rongbawlina ei insuo hai hi mimal le vengbuk inkhawm tongtaina subject-a hmang nghal dingin ei infiel bok a nih. Chu khêlah, Pathien rama thahnemngai a, ei Chanchinbu page sponsor nuom dân ei um chun phêk khat peiah Rs 100-a sponsor thei zing a ni bok.

- Editor

chi po po le mihriem po po chu an chimit vong a. Hnàra thuok laa hring, khawmuola cheng po po khom an thi fai vong bok a. Chuongchun, hnuoi chung a thilhring tinreng umhai, mihriem hai, rannung hai, bokvaka invak chi po po le chungleng vate hai po po chu sukbohmangin an um a, Nova le longa a kuoma umhai chauh chu hlain an um tah a nih. Tui chun ni za le sawmnga sung hnuoi a chîm a nih.

Hebrai 11:7-a chun, “Ringnain Nova chun thil hung tlung ding chungchang hrillawkna a dong chu Pathien tina neiin a sungkuo himna dingin long a tuk a. A ringna chun khawvel thiem naw an changtir a, ringna leia thiem inchangtirna rochungtu a lo ni tah” a lo ti a nih. Nova ringna hi ‘Pathienin a ti ang thlapin’ ti a nih. Pathien thu kha thil ni thei ding awma

a ring a ni naw a, ni ngei dinga a hriet chieng a ni lem. Pathien thu a ring leiin hreipui a chawia thing a phûr tan a. Ringnain thing tumhai a liengkoa putin thlansaphul kaiin ni tin a thaw a. Ringnain thingtumhai a chêk phel a. Ringnain tubauin thing kilna a hem lut a. Mi tukhomin ringnaw hai sienkhom Nova chun a ring leiin a long tuk a thawzom zing a. Kum 120 long a tuk hnung khomin ruo a la sur chuong naw a. Kum 120 Pathien thu a hril hnung khomin ringtu pakhat khom a la man naw a. ‘Tar invet pa’ ti chau naw chu ieng dang khom a hlaw nawh. Sienkhom ringnain khawvel mihai leh the hrang khom a poisa nawh ti a chieng a. A ringna chun khawvel thiem naw a’n changtir ta lem a nih. Ama khât chauin khawvel a khang hrena a chang lem ta a nih. Pathienin a thu malsawm raw seh.

HCF, Delhi kuoma lekhaton

A hmasa'n ei Lalpa Isu Krista hmingin chibai ka bûk cheu. Kohran nu le pa hai mi lo tongtai pekna zarin Nepal rama rongbawl theina lampui a mi hong pek leiin Pathien kuomah lawmthu um raw se.

Rongbawl dân tângpui chu an leh; khuo pangaah Chanchin Tha hril a ni a, mi sawmli le pangain ka thuhrl an ngaithlak a, chu laia mi pakuo hai chu ruolin ka siem. Pathien lunginsietna zarin mi pali hai chun Isu Krista chu an Lal le Sandamtu d'in an pom leiin baptisma pèk an nih. Ei tongtaina Lalpa'n a mi don a nih. Ka tongtainain ka hung hriet zing hlak cheu. Ei rongbawl na a hrat zuol pei theina dingin nangni khomin tongtaina'n mi lo san ve hlak ro. “*Mihriem naupa hi bohmanghai zonga sandam dinga hung a ni hrim a nih (Luka 19:10)*”.

In rongbawlpui,
Evan. Dinesh Kumar
Koilar, Nepal

(Shiv Vihar Kohranin Evan. Dinesh Kumar hi an chawm a nih. Ram puotiengah misawnari an hei tir thei hi an thaw thain suong an um èm ém a, thahnem ngai nawk zuol dingin an min fui niin ei hriet. – Editor)

Sukbohmang vonga mihriem dang siem chu Pathien chun a thei taluo ding a nih. Sienkhom hang sukbohmang el chu na a ti hle a nih ti a'n lang a nih. Thil tha tak hung suok dinga ei nuom lei le ei beisei leia ei thil thawhai ei ringnaw tieng daiah a hung um pha pha ei insir vong vong ang hi a ni ring a um. Nau suolhai hi nu le pa lung suknatu an ni ang hin Nova hun laia mihriemhai hin Pathien lung an sukna èm ém a nih.

Chuongchun LALPA chun, “Ka mihriem siem hi hnuoi chung a inthokin nuoi bo el ka tih, mi po po le sa hai, hnuoia invâk thilhringhai le chunglêng vatehai chenin; ka lo siem tawl leiin ka'n sîr a nih” a ta. Mihriem suolna leiin Lalpa'n a thilthaw ding a hril a. Hnuoi chung a inthokin mihriem po po nuoi bo ding thu Lalpa'n a puong suok thu a nih. Khawvel hi a siemtu uksak loin mi tin mani nuom zawng thawin ei buoi mup mup a. Suolna hi a pung deu deu a, chung tienga inthokin thu tawpna chu puong a la hung ni ngei ding thu hi lai thua inthok hin a chieng hle a nih.

Nova kuoma Pathien thuthlung (Gen. 6: 8-22)

Lalpan hnuoia mihriem po po hnuoia inthoka nuoi bo ding a ti lai chun mi pakhat, Nova, a um a. Ama chu a ruol chanpui po po lai a danglam bik rieu a nih. Châng 8-9 chun hieng hin a ziek, “Nova ruok chun LALPA mit a tlung a. Hi hi Nova chanchin chu a nih. Nova chu mi fel tak, a dam ruolpuihai laia dem kai lo, Pathien le intlon hlak mi a nih”. Hi taka ‘Nova ruok chun LALPA mit a tlung a’ a ti hi Bible Society le Bibles For The World chun ‘Nova ruok chun LALPA lunginsietna a chang a’ tiin a ziek ve ve a. ‘Lalpa ditsakna a chang a’ ti inla a fuk lem el dim? Châng 9-na hin Nova chanchin tawi

fel deuin a hril a, “Nova chu mi fel tak, a dam ruolpuihai laia dem kai lo, Pathien le intlon hlak mi a nih”. Hi hi Nova chanchin a hrilna chauh niloin Lalpa ditsakna, lunginsietna, a changna san a ni bok a nih. (1) Mi fel tak (righteous man) a nih. Baibulin ‘mi fel’ a ti hai hi ‘Lalpa ringtu’ ti a kaw k tak. Abraham chun Lalpa a ring a, a ringna chu a felnaa pom a nih (Gen.15:6). Ringna chauh naw chun Lalpa mit hmuah mi fel tukhom an um awm si naw a. Nova'n Pathien Thutiem a ring a. Chu chu a felnaa Lalpa'n a ruot chu a nih. Pathien Thutiem chu Isu Krista a nih. Nova'n Isu Krista a ring leiin Lalpa'n mifelai a ruot a nih. Isu naw chu Lampui dang a um si naw a. (2) ‘A dam ruolpuihai laia dem kai lo’. Nova hi suolna nei der lo tina chu a ni naw a. Hmêl hemlo, soiselbo a kaw k bik. Lalpa a ring a, a lungril a'n thieng a, chuleiin taksa takah khom a dam ruolpuihai lai khom tha bik rieu dingin ringhla a um naw hrim a nih. Ama hi tuipui a sukin a luong zuoi zuoi a, a khât chauin a tunga inhlieu ang chu a nih. Hi hi Pathien ringtu a nina suklanngu chu a nih. ‘Ama chu mi fel tak’ ti hin a Pathien a ringzie a suklanng a, ‘a dam ruolpuihai laia dem kai lo’ ti hin a tak taka hringnun khal (practical life) a kaw k bik a nih. (3) ‘Pathien le intlon hlak’ ti hi Pathien le inpawl hlak, Pathien le inhna zing, Pathien le inzom zing a kaw k bik a nih. Pathien ruoltha ti thei a ni bok. A damruolpuihai suolzie Baibulin a hril nasa khop el a. Ama ruok chu hringnun danglam tak el, Pathien le ni tina inpawl nun a nei tlat kha namênlo a nih. A khuo le vêng hai tukhom inpawlpui thei tak tak a nei khom ring a um naw hiel a nih. A damruolpuihai le a khuo le venghaiin mi chikhata an sie chu ni hrim hrim dingin ring a um. Sienkhom Pathien mita chu

inthim sa mup laia meiser chite a var liet liet ang hi ni ngei dingin ring a um.

Chuongchun hnuoi chu Pathien mithmuin a porche zo ta a, inpawngneknain a sip a. A hluotu mihriemhai um dân porche leia hnuoi hang siet nasat takzie chu Pathienin a hmu zing a. Chuongchun Pathienin Nova kuomah, “Mihriem po po hi ka sukchimit ding a nih, anni leiin hnuoi hi inpawngneknain a sip zo ta si a. Anni ruolin a hnuoi chopin a nih ka suksiet ding chu”. Bung 4-ah khan changkangna (development) nasa tak a hung um thu ei hmu a. Khawvel khawsak an thanglien pei a, mihriem khom an hung changkang pei a, insukfai nachang khom an hung hriet pei a. Fâk le dawn, sil le bil hai khom a hung changkang pei a, thiemna a pung pei bok a, thil hmu suok thar a um pei bok a nih. Sienkhom Gen 6:11-a chun, ‘Hnuoi hi Pathien mithmuin a porche zo ta a, inpawngneknain a sip a’ a ti ta lem dai a nih. Chun, ‘a hluotu mihriemhai um dân porche leia hnuoi hang siet nasat takzie chu Pathienin a hmu zing a’ a ti bok a nih. Pathien hi iengkim hmutu, mi varhai neka thil po po hmu le hre vongtu a nizie a’n lang a nih. Anti corruption department hai nêk khoma thil hre lem le hmu chieng lemtu a na, a rûka porche taka khawsahai khom a lo hmu fai vong a nih. ‘Pathienin a hmu zing a’ ti umzie chu a en zing a, a hmu zing tina a nih. Chun a’n voi hle a, a ngaiven zing tina khom a ni bok. Mihriemhai leia hnuoi a porche ta em lei chun Pathienin hrem dingin thu a sukthluk ta a nih. Chuongchun Pathienin “Mihriem po po hi ka sukchimit ding a nih, anni leiin hnuoi hi inpawngneknain a sip zo ta si a. Anni ruolin a hnuoi chopin a nih ka suksiet ding chu” tiin Nova kuomah a hril ta a nih.

Voisuna mihriem khawsak dân po po khom hi a en zing a, a hmu zing tina a ni bok. Roreltu a ni leiin enkai zing chu a thaw makmaw a ni hrim a nih. Tulaia khawvel hmun hrang hranga mihriem hringnun ei hang thlir a, Pathienin a la hla zing el hi thilmak pasarihai neka mak lem a nih. Hla phuoktu’n, ‘Lunginsietna’n ro a rêl, ka hun a mi hlapek’ a lo ti hin a hrilfie tak.

Khânga khawvel suolnain a sip el tah lei khan Pathienin Nova kuomah damna ding lampui a zu hril ta a, “Chuleiin, i ta dingin fâr thingin long tuk la, chu taka chun pindanhai siem la, a sung tieng le puo tieng chu alkatarain zût nam vong rawh. I bawl dân ding chu hieng ang hin ning a tih: long dung seizie chu meter 133, a khang meter 22, a’n sangzie meter 13 a ni ding a nih. A chung khum siem i ta, a sîp tak chu centimeter 44 vela lien a ni ding a nih. Long sung tienga inthoka hong theiin tukver siem i ta; chun a sawng hnuoihnung, a sawng lailung le a sawng chung i siem bok ding a nih. Vankhup hnuoia thuoka hring po po sukbohmang dingin hnuoia hin tui ka’n lêttir ding a nih; hnuoia thil um tinreng hi thi vong an tih. Amiruokchu, ka thuthlung che chu suknghet zuol ka ta, nang le i nuhmei, i kuoma um i nauhai le i mohai chu longah lut vèng an tih. Thilhring tinreng laia mi an dam theina dingin, a pui le a chal, a kop kim peiin longa chun i thuoi lut ding a nih. Vate chi tinreng, sa chi tinreng, hnuoia invâk thilhring chi tinreng hai chu an dam theina dingin, a pui le a chal tuok hni pei, longa chun i thuoi lut ding a nih. Nang le anni ring dingin fak ding chi tinreng chu longah i sêk khawm bok ding a nih” tiin.

Hi taka Pathienin Nova kuoma a hril hi ama le a sûnghaijn hremna an pumpel

theina ding lampui a hril a nih. Hi thupêk a dong hi a tawpna chu a la ni nawh. Nova’n a zawm le a zawm naw thua innghat a nih. Lampui hriet chu a’n tak naw a, a hraw ruok chu a’n tak hlak. Lalpa’n Nova kuoma thaw ding a hrilhai chu: (1) Long lien tak el siem ding, tha tamtak seng tul, sum tamtak seng ngai, hun sawt tak mamaw, vadung bulah khom nilo, khawmuola siem ding. (2) Thilhring tinreng (a pui le a chal) tuok hni, a kop kim peiin longa chun thuoi lut ding. Sai nupa-a inthoka va chedek nupa chen long sunga thuoi lut ding. An bu ding khom ngaituo tul bok ding. Chun hnuoi pumpui chîm dinga tuilet ding ti a ni bok a nih. Nova’n Lalpa thupêk hi a zawm ding chun thil dang thaw hman lèk loa a tha le zung po po a’n suo a tul ding a nih. Ramsa chi tinreng, vate, le thilhring hnuoia invâk hai chenin long sunga thuoilut chu mihriem thaw ding chun thil harsa el khom ni loin thil theilo a nih. Long tuk ding ringot khom kha Nova ta ding chun damsung sin ang a hung ni ding a na. Tuilet la hmu ngai kher lo ding a ni bok leiin khawvel pumpui chîm thei tawka tuilet ding khom chu ring harsa hle’ng a tih. Suonlam ding le chierna ding a va tam awm de aw! A letling zawnga hril chun innui ringot ol hle’ng a tih.

Sienkhom Nova’n iengtîn am a don a? Gen 6:22-a chun “Pathienin thu a pêk ang thlapin Nova chun iengkim a thaw a” ti a nih. Nova’n, ‘chu chu, kha kha’ a ti khom an ziek naw a, Pathienin thu a pêk ang thlapin iengkim a thaw el a nih. Hi hi Nova ringna sukchiengtu le suklangtu chu a nih. ‘Pathienin thu a pêk ang thlapin a hril a’ ti ni loin, ‘Pathienin thu a pêk ang thlapin iengkim a thaw a’, ti a ni lem. Nova thil thaw hin Pathienin warning a pêk le Thutiem a pêk kha a ring ve ve a

nih ti a’n lang a. Pathienin misuol po po a hrem ding thu a ring a, thilhring chi tinreng khom a nuoibo ding thu kha a ring bok a, chun a thu awi chu an him ding a nih ti a ring bok a nih. Ring naw sien chu iengkhom a thaw naw ding a ni si a. Tuilet la hmu ngai naw sienkhom Pathien thu a ring leiin long a tuk thlut thlut el a nih.

Hremna le Samdamna

(Gen. 7:1-24)

Genesis 7:1-10 ei tiem chun Pathien ti ang takin Nova chu a nauhai le a mohai leh ramsa chi tinreng le vate chi tinreng leh longah a lut thu ei hmu a. Chier thak loin longa a lut el hi ngaisang a um hle a nih. Tukver pakhat chau, chu khom chu khar a la ni nawk nghal ding, ramsa chi tinreng, an zun le ek a rim siet ding leh, jail a um chu inhoi tak ning a tih. Ûm tok tok hre lo zawng hai le dâm, chinlêm nei lova vương vêl vatehai le dâm long pakhata chêng hmunkhat ding chier thak loa a um el hi a va ropui ngei de! ‘Lalpa hi hi chu a rim a se êm el, thuoi da’l ei tih’ khom a ti dèr nawh.

Chuongchun ni sawmli le zân sawmli zet hnuoia ruopui vâawn a hung sût ta a, lipui inthuk kuonghai chu an hung têt ta hum hum a, van tukverhai khom a hung inhong bok a. Ni sawmli sung chu hnuoia tui a lêt a, tui chu a hung lien tuol tuol a, long chu hnuoi chungah a tawm kâng a. Tui chu a hung lien insang pei a, hnuoi chung a chun a’n cham puou a, long chu tui chung a chun an lêng a. Tui a lien insang po le long chu a dom kâng insang ting el ta a. Tui chu a lien insang êm leiin vankhup hnuoia tlâng po po a chîm pil vong a; meter sari neka inthukin tlâng insanghai khom a chîm pil a nih. Hnuoi chung a khawsa thilhring po po vate hai, ran ruol hai, ram sa hai, bokvaka invak